

道光庚寅重修

南宮縣志

第三冊

本衙藏板

河北省南宮市文化遺產
南宮市國家檔案館翻印



南宮縣志卷四

典禮志

安上治民莫善於禮周官宗伯掌邦禮自祭祀朝覲
以逮飲射讀法鉅細兼該自是以來迭有損益我
朝鑒觀前代成

大清會典一書實集千古之大成又約爲

大清通禮頒發府州縣備哉燦爛真神明之式也朝野內
外遵而行之可以一道德同風俗矣志典禮

秩祀

文廟

會典直省府州縣每歲春秋仲月上丁日各行釋奠
禮以地方正印官主祭陳設禮儀均與國子監丁祭
同

禮部則例不隸省會之府州縣丁祭日長官正獻兩
序以其貳及所屬兩廡以食餼弟子員各一人分獻
糾儀以師儒司祝司香司帛司爵司饌引贊通贊俱
以學弟子員嫻禮儀者執事並致齋二日月朔釋菜
望日上香以教官分班行禮與太學同

陳設

先師位前設案一陳牛一羊一豕一登一鉶二簠二簋二

籩十豆十鑪一鐙二 四配位前各設案一陳羊一
豕一鉶二簋二簋二籩八豆八鑪一鐙二東西十二
哲各設案一陳鉶一簋一簋一籩四豆四鑪一鐙二
東西各羊一豕一東西廡均二位同一案每位爵一
每案簋一簋一籩四豆四先賢案前東西各羊二豕
二香案一鑪一鐙二先儒案前東西各羊一豕一香
案一鑪一鐙二殿中設一案少西北向供祝版其南
東設一案西向陳禮神制帛九色白香盤四尊三爵
二十有七西設一案東向陳禮神制帛八香盤三尊
二爵二十有四凡牲陳於俎凡帛正位四配異篚十

二哲分東西以六帛共筐兩廡設二案於南均北向
各陳禮神制帛二香盤二尊三虛爵六俎筐簠勺具
儀注祭之前一日有司飭廟戶潔掃殿廡內外視宰
官公服詣神廚視宰正獻官率各官及執事生入學
習儀教官率樂舞生入學習舞習吹樂用六佾祭日
五鼓陳牲帛盞盛省視如儀

按至日五更正獻分獻各官入廟集更衣所贊引生
請行禮正獻官盥洗畢贊引生導正獻官由旁階自
殿左門入至拜位前北嚮立贊禮生引分獻官至階
下左右序立均北面典儀生贊樂舞生登歌執事官

各共迺職文舞六佾進贊引生唱就位引正獻官分獻官就拜位立迺迎

神司香生奉香盤進司樂生贊奉迎

神樂奏昭平之章樂作贊引生唱就上香位導正獻官升

東階詣

先師香案前跪正獻官跪俯伏贊上香司香跪捧香正獻官三上香畢俯伏興分獻官各詣四配十二哲兩廡先賢先儒位前跪上香儀同贊復位唱跪叩興正獻官暨分獻各官行三跪九叩禮興樂止典儀贊奠帛爵行初獻禮奏宣平之章舞羽籥之舞樂作贊引生

南宮縣志 卷四
引正獻官升階詣

先師位前跪正獻官跪俯伏司帛生跪捧篚正獻官受篚
拱舉奠於案興司爵生跪捧爵正獻官受爵拱舉奠
於塾中俯伏興贊引生贊就讀祝位司祝至祝案前
跪三叩捧祝版跪案左樂暫止引正獻官至殿中拜
位立贊跪正獻官暨分獻各官皆跪贊讀祝司祝讀
祝畢詣

先師位前跪安於案三叩退樂作正獻官暨各官均行三
叩禮興分獻官詣四配十二哲兩廡跪奠帛獻爵儀
同復位樂止行亞獻禮奏秩平之章樂作舞同初獻

贊引生引正獻官升階詣

先師位前奠爵於左如初獻儀四配十二哲兩廡分獻畢
均復位樂止行終獻禮奏敘平之章舞同亞獻樂作
引正獻官升階奠爵於右如亞獻儀分獻官以次畢
獻均復位樂止文德之舞退典儀贊飲福受胙贊引
生贊詣受福胙位引正獻官至殿中拜位立捧福胙
二人自東案捧至

先師位前拱舉退立於正獻官之右接福胙二人自西案
進立於左贊跪正獻官跪贊飲福酒右一人跪遞福
酒正獻官受爵拱舉授於左興次受胙如飲福之儀

贊叩興正獻官三叩興贊復位引正獻官復位贊跪
叩興正獻官暨分獻官均行三跪九叩禮興典儀贊
徹饌奏懿平之章樂作徹饌畢樂止贊送

神奏德平之章樂作正獻官暨分獻各官行三跪九叩禮
樂止有司奉祝次帛次饌次香送燎所正獻官轉立
拜位旁西嚮候祝帛過復位樂作詣燎所視燎畢唱
禮成導正獻官由殿左門出樂止各執事皆退先是
正獻官至更衣所時贊禮生引

崇聖祠承祭官入祠左門盥洗畢引詣殿階下正中典儀
贊執事生各共迺職贊引生贊就位引承祭官就拜

位立迺迎

神司香奉香盤進贊引生贊就上香位引承祭官升東階

由殿左門入詣

肇聖王香案前立司香跪奉香贊引生唱跪承祭官跪一

叩贊上香承祭官上柱香次三上瓣香一叩興以次

詣

裕聖王

詒聖王

昌聖王

啟聖王位前上香儀同唱復位引承祭官退至殿左門立

贊引唱承祭官詣四配位兩廡從祀位前上香如儀
復位贊引唱跪叩興承祭官行三跪九叩禮畢奠帛
行初獻禮執事生各奉篚執爵進承祭官入殿左門
詣

神位前跪一叩司帛跪奉篚承祭官受篚拱舉奠於案司
爵跪奉爵承祭官受爵拱舉奠於正中一叩興以次
奠獻畢司祝至祝案前三叩奉祝版跪案左承祭官
詣讀祝位跪司祝讀祝畢詣正中

神位前跪安於案三叩退承祭官行三叩禮畢仍由殿左
門出復位四配兩廡奠帛獻爵各如儀復位次亞獻

奠爵於左次終獻奠爵於右四配兩廡畢獻儀均與
初獻同徹饌送

神承祭官行三跪九叩禮執事生奉祝次帛次饌次香送
燎所承祭官避立西旁東面俟祝帛過復位引詣望
燎位望燎引承祭官退

樂章

乾隆八年
新定

迎神奏昭平之章曰大哉孔子先覺先知與天地參
萬世之師祥徵麟紱韻答金絲日月旣揭乾坤清奪
初獻奏宣平之章曰予懷明德玉振金聲生民未有
展也大成俎豆千古春秋上丁清酒旣載其香始升

亞獻奏秩平之章曰式禮莫愆升堂再獻響協鼗鏞
誠孚罍飢肅肅雍雍譽髦斯彥禮陶樂淑相觀而善
終獻奏敘平之章曰自古在昔先民有作皮弁祭菜
於論思樂惟天牖民惟民時若彝倫攸敘至今木鐸
徹饌奏懿平之章曰先師有言祭則受福四海黌宮
疇敢不肅禮成告徹毋疏毋瀆樂所自生中原有菽
送神奏德平之章曰鳧繹峩峩洙泗洋洋景行行止
流澤無疆聿昭祀事祀事孔明化我蒸民育我膠庠
先師祝文維年月日致祭於

至聖先師孔子曰維

師德隆千聖道貫百王揭日月以常行自生民所未有屬
文教昌明之會正禮和樂節之時辟雍鍾鼓咸恪薦
於馨香泮水膠庠益致嚴於籩豆茲當仲春秋祗率彝
章肅展微忱聿將祀典以

復聖顏子 宗聖曾子 述聖子思子 亞聖孟子
配尚饗

崇聖祠祝文維年月日致祭於

肇聖王 裕聖王 詒聖王 昌聖王 啟聖王曰維

王奕葉鍾祥光開聖緒聖德之後積久彌昌凡聲教所覃
敷率循源而溯本宜肅明禋之典用申守土之忱茲

南宮縣志
卷四
一
屆仲春秋聿修祀典配以先賢顏氏先賢曾氏

先賢孔氏先賢孟孫氏尚饗

社稷壇

禮部則例凡直省府州縣各擇爽塏之地建壇均北
向歲以春秋仲月上戊日爲民祈報府州縣皆正印
官將事以各學教官糾儀生員充禮生

儀注直省祭

社稷壇豫陳祭品每

神位前各帛一鉶二簋二簋二籩四豆四爵三共羊一豕
一尊一祭日雞初鳴承祭官以下咸朝服齊集黎明

贊引禮生二人引承祭官詣盥洗所盥洗通贊禮生
贊執事者各司其事贊引者引承祭官至階前拜位
立引班禮生二人分引陪祭官文東武西各就拜位
序立乃迎

神贊引者引承祭官升壇詣香案前司香跪奉香承祭官
三上香復位行三跪九叩禮陪祭各官皆隨行禮奠
帛初獻爵司帛奉篚進跪奠篚司爵奉爵進獻爵奠
正中皆退司祝禮生至祝案前跪承祭官暨陪祭各
官皆跪司祝讀祝畢詣

神位前跪安於案叩如初退承祭官暨陪祭各官行三叩